



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁ**

ք. Երևան

27.06.2018թ.

Ո Ր Ո Շ ՈՒ Մ

ՀՀ գնումների հետ կապված բողոքներ

քննող անձի

թիվ ԳԲԽ-ԷՍ-2018/77

ՀՀ գնումների հետ կապված բողոքներ քննող անձը՝ (այսուհետ՝ նաև Բողոքներ քննող անձ) քննելով քաղաքացի Սարմեն Աղաջանյանի կողմից 06.06.2018թ. ներկայացրած բողոքը (այսուհետ՝ նաև Բողոք) և կից փաստաթղթերը, պարզեց հետևյալը.

1. Քաղաքացի Սարմեն Աղաջանյանի ներկայացրած փաստերը, հիմնավորումները և պահանջը.

Քաղաքացի Սարմեն Աղաջանյանը (այսուհետ՝ նաև բողոքաբեր) ՀՀ գնումների հետ կապված բողոքներ քննող անձին 06.06.2018թ. ներկայացրել է բողոք, որով հայտնել է հետևյալը.

«Պատվիրատուն իր կարիքների համար ս.թ. մարտի 28-ին հայտարարել է թռիչքավայրէջքային ուղու նորոգման աշխատանքների ձեռքբերման գնանշման հարցման ընթացակարգ: Ընթացակարգի հայտերի բացման օր է սահմանվել 06.04.2018թ.:

Հայտեր են ներկայացրել «Սասունասար» ՍՊԸ-ն, «Խաչհար» ՍՊԸ-ն, «Դառես» ՍՊԸ-ն և «Էլիտ Հիլզ» ՍՊԸ-ն (կոնսորցիում «Ինտերեվրոս Արգոս» ՍՊԸ-ի հետ):

Ընթացակարգի գնահատող հանձնաժողովի 06.04.2018թ. ժամը 11:30 կայացած նիստի թիվ 5 արձանագրության համաձայն՝ ընթացակարգի 1-ին չափաբաժնի մասով 1-ին տեղ զբաղեցրած մասնակից է ճանաչվել «Էլիտ Հիլզ» ՍՊԸ-ն (կոնսորցիում «Ինտերեվրոս Արգոս» ՍՊԸ-ի հետ), որից պահանջվել է օրենքով սահմանված կարգով և ժամկետներում ներկայացնել հրավերով նախատեսված որակավորման պահանջներին համապատասխանությունը հավաստող փաստաթղթերը:

Պատվիրատուն սահմանել է, որ նույն ընթացակարգի իմաստով նմանատիպ են համարվում վազքուղիների հարթեցման, ճանապարհային վերանորոգման և ասֆալտապատման աշխատանքների կատարված լինելը:

Սակայն, հաղթող ճանաչված «Էլիտ Հիլզ» ՍՊԸ-ն (կոնսորցիում «Ինտերեվրոս Արգոս» ՍՊԸ-ի հետ) ներկայացրած նախկինում կատարված պայմանագրերը հանդիսանում են բարեկարգման աշխատանքների կատարման պայմանագրեր: Այսպիսով, փաստացի «Էլիտ Հիլզ» ՍՊԸ-ն (կոնսորցիում «Ինտերեվրոս Արգոս» ՍՊԸ-ի հետ) կողմից չի ներկայացվել որպես նմանատիպ համարվող նախկինում կատարված պայմանագրեր, սակայն հանձնաժողովի կողմից գնահատվել է բավարար:

Այդ պատճառով գտնում եմ, որ Ընթացակարգի գնահատող հանձնաժողովի կողմից պետք է մերժվեր «Էլիտ Հիլզ» ՍՊԸ-ն (կոնսորցիում «Ինտերեվրոս Արգոս» ՍՊԸ-ի հետ) կողմից ներկայացված հայտը, քանի որ նախկինում կատարված պայմանագրերը չեն հանդիսանում նմանատիպ «ՀՀ ՊՆ ՆՏԱԴ-ԳՀԱՇՁԲ-23/1» գնանշման հարցման շրջանակներում:

Գտնում եմ, որ հանձնաժողովի գործողությունների ընթացքում խախտվել են «Գնումների մասին» ՀՀ օրենքի 34-րդ հոդվածի 1-ին մասը, համաձայն որի՝ Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Հաշվի առնելով վերոգրյալը խնդրում եմք չեղյալ համարել ՀՀ պաշտպանության նախարարության կարիքների համար թռիչքավայրէջքային ուղու նորոգման աշխատանքների ձեռքբերման «ՀՀ ՊՆ ՆՏԱԴ-ԳՀԱՇՁԲ-23/1» ծածկագրով գնանշման հարցման ընթացակարգի հանձնաժողովի 01.06.2018թ. ժամը 11:00 կայացած նիստի N 6 արձանագրությամբ կայացված՝ «Էլիտ Հիլզ» ՍՊԸ-ի (կոնսորցիում «Ինտերեվրոս Արգոս» ՍՊԸ-ի հետ) հետ պայմանագիր կնքելու մասին որոշումը և կասեցնել պայմանագրի կնքման գործընթացը»:

Բողոքի քննության նպատակով Բողոքներ քննող անձի կողմից հրավիրված նիստերին մասնակցում էր քաղաքացի Սարմեն Աղաջանյանի լիազորված ներկայացուցիչ Լևոն Թադևոսյանը:

2. ՀՀ պաշտպանության նախարարության կողմից բողոքի վերաբերյալ ներկայացված փաստերը, հիմնավորումները և դիրքորոշումը.

Ղեկավարվելով «Գնումների մասին» ՀՀ օրենքի 50-րդ հոդվածի 4-րդ մասով՝ ստացված բողոքի վերաբերյալ որոշում կայացնելու նպատակով, Բողոքներ քննող անձը դիմել է ՀՀ պաշտպանության նախարարությանը (այսուհետ՝ Պատվիրատու)՝ առաջարկելով նույն հոդվածով սահմանված ժամկետում Խորհրդին տրամադրել անհրաժեշտ բոլոր փաստաթղթերի պատճենները և Պատվիրատուի գրավոր դիրքորոշումը:

Պատվիրատուն Բողոքներ քննող անձին է ներկայացրել Բողոքի քննության համար անհրաժեշտ համապատասխան փաստաթղթերը, սակայն Բողոքի վերաբերյալ որևէ գրավոր դիրքորոշում վերջինիս կողմից չի տրամադրվել:

Բողոքներ քննող անձի կողմից հրավիրված նիստերին մասնակցում էր Պատվիրատուի լիազորված ներկայացուցիչ Արտյոմ Համբարյանը:

3. ԳԲԽ-ԷՍ-2018/77 բողոքի քննության համար էական նշանակություն ունեցող փաստերը, Խորհրդի հիմնավորումները և եզրահանգումը.

Բողոքներ քննող անձն ուսումնասիրել է քաղաքացի Սարմեն Աղաջանյանի կողմից 06.06.2018թ. ներկայացրած բողոքը և կից փաստաթղթերը, «ՀՀ ՊՆ ՆՏԱԴ-ԳՀԱՇՁԲ-23/1» գնանշման հարցման հրավերը (այսուհետ՝ նաև Հրավեր), «ՀՀ ՊՆ ՆՏԱԴ-ԳՀԱՇՁԲ-23/1» ծածկագրով գնանշման հարցման հանձնաժողովի (այսուհետ՝ նաև Հանձնաժողով) 01.06.2018թ. ժամը 11:00-ին կայացած նիստի թիվ 6 արձանագրությունը, «Էլիտ Հիլզ» ՍՊԸ-ի և «Ինտերեվրոս Արգոս» ՍՊԸ-ի կոնսորցիումի կողմից ներկայացված հայտը:

ՀՀ պաշտպանության նախարարության կարիքների համար թռիչքավայրէջքային ուղու նորոգման աշխատանքների ձեռքբերման նպատակով հայտարարված «ՀՀ ՊՆ ՆՏԱԴ-ԳՀԱՇՁԲ-23/1» գնանշման հարցման ընթացակարգին (այսուհետ նաև՝ Ընթացակարգ) մասնակցության հայտ է ներկայացրել «Էլիտ Հիլզ» ՍՊԸ-ի և «Ինտերեվրոս Արգոս» ՍՊԸ-ի կոնսորցիումը (այսուհետ՝ նաև Կոնսորցիում):

Հրավերով սահմանվել է, որ Ընթացակարգի գնման առարկա են հանդիսանում «Վազքուղիների հարթեցման աշխատանքները, այդ թվում՝ թռիչքավայրէջքային ուղղու նորոգման (ճաքերի վերանորոգման) աշխատանքները», որի տեխնիկական բնութագիր-գնման ժամանակացույցով նախատեսվել են հետևյալ աշխատանքների տեսակները.

- ճաքերի մաքրում կոմպրեսորով,
- ճաքերի լվացում,
- ավազով վիբրոխտացում,
- ավազի տոգորում ցեմենտային շաղախով,
- ճաքերի լցոնում ակրիլ պոլիմերային մածուկով,
- շինաղբի բարձում և տեղափոխում:

-բոլոր աշխատանքների իրականացումը օդանավակայանային վաշտի մասնագետների ներկայությամբ:

Նույն հրավերով նախատեսված աշխատանքների կատարման համար լիցենզիա չի պահանջվում:

«ՀՀ ՊՆ ՆՏԱԴ-ԳՀԱՇՁԲ-23/1» ծածկագրով գնանշման հարցման ընթացակարգի հրավերի 2.5 կետի 1-ին ենթակետի համաձայն՝ «Մասնագիտական փորձառություն» որակավորման չափանիշը սահմանվում և գնահատվում է հետևյալ կարգով՝

ա. մասնակիցը պետք է հայտը ներկայացնելու տարվա և դրան նախորդող երեք տարվա ընթացքում պատշաճ ձևով իրականացրած լինի նմանատիպ առնվազն մեկ պայմանագիր: Նախկինում կատարված պայմանագիրը (կամ պայմանագրերը) գնահատվում է (կամ գնահատվում են) նմանատիպ, եթե դրա (դրանց) շրջանակներում մատուցված ծառայությունների ծավալը (կամ հանրագումարային ծավալը)՝ գումարային արտահայտությամբ, պակաս չէ սույն հրավերով սահմանված առավելագույն գնի հիսուն տոկոսից: Ընդ որում առնվազն մեկ պայմանագրի շրջանակում մատուցված ծառայությունների ծավալը գումարային արտահայտությամբ պետք է պակաս չլինի սույն հրավերով սահմանված առավելագույն գնի քսան տոկոսից:

բ. նույն ենթակետի ա) պարբերությամբ նախատեսված պահանջներին իր համապատասխանությունը հիմնավորելու համար մասնակիցը հայտով ներկայացնում է իր կողմից հաստատված հայտարարություն, պայմանով, որ առաջին տեղը զբաղեցրած մասնակից ճանաչվելու դեպքում սույն հրավերով սահմանված կարգով և ժամկետներում հանձնաժողովին կներկայացնի նախկինում կատարած պայմանագրի (պայմանագրերի) և դրա հաշիվ ապրանքագրերի պատճենները, իսկ այդ պայմանագրի (պայմանագրերի)

պատշաճ կատարումը գնահատելու համար՝ տվյալ պայմանագրի կողմերի հաստատած՝ պայմանագրի սահմանված ժամկետում կատարումը հավաստող ակտի (հանձման-ընդունման արձանագրություն և այլն) պատճենը կամ տվյալ պայմանագրի կատարումն ընդունած կողմի գրավոր հավաստումը:

գ. մասնակցի որակավորումը այս չափանիշի գծով գնահատվում է բավարար, եթե վերջինս ապահովում է սույն ենթակետով նախատեսված պայմաններն ու պահանջները:

Նույն կետի համաձայն՝ նույն ընթացակարգի իմաստով նմանատիպ են համարվում համարվում վազքուղիների հարթեցման, ճանապարհային վերանորոգման և ասֆալտապատման աշխատանքների կատարված լինելը (շինարարական ծրագրերի դեպքում տնտեսական գործունեության նույն խմբերը սահմանվում են հաշվի առնելով քաղաքաշինության բնագավառում լիցենզավորման ենթակա գործունեության տեսակը և ներդիրները):

Հանձնաժողովը 06.04.2018թ. ժամը 11:30-ին կայացած նիստի թիվ 5 արձանագրության 3.1 կետով արձանագրել է, որ «Էլիտ Հիլզ» ՍՊԸ-ն (կոնսորցիում «Ինտերեվոս Արգոս» ՍՊԸ-ի հետ) գնային առաջարկը կազմել է 9,744,000 ՀՀ դրամ (ներառյալ ԱԱՀ), և նույն արձանագրության 4.1 կետով Ընթացակարգի 1-ին տեղ զբաղեցրած մասնակից է ճանաչել Կոնսորցիումին:

Նույն արձանագրության 4.2 կետով Հանձնաժողովը որոշել է հրապարակել հատուկ նիստի արդյունքները և առաջին տեղ զբաղեցրած մասնակցին առաջարկել ներկայացնելու «ՀՀ ՊՆ ՆՏԱԴ-ԳՀԱՇՁԲ-23/1» ծածկագրով գնանշման հարցման ընթացակարգի հրավերով նախատեսված որակավորման չափանիշներին իր համապատասխանությունը հավաստող փաստաթղթերը:

Որպես նախկինում պատշաճ կատարված նմանատիպ պայմանագրեր, Կոնսորցիումը Հանձնաժողովին է ներկայացրել հետևյալ պայմանագրերը՝

- ՀՀ պաշտպանության նախարարության հետ 20.12.2016թ. կնքված «Կապալային աշխատանքների» N ԲԸՀԱՇՁԲ-10/1-2 գնման պայմանագիրը, որի գնման առարկան է հանդիսանում Երևանի 24236 զորամասում ՈւԳԱ գումարտակի զորանոցային մասնաշենքի վերակառուցման աշխատանքների ձեռքբերումը՝ 151,582,002 ՀՀ դրամ ընդհանուր գնով: Նշված Պայմանագրի ծավալաթերթ-նախահաշվով նախատեսված աշխատանքները ի թիվս այլոց, ներառում են հետևյալ առանձին տեսակի աշխատանքները՝ ասֆալտբետոնե ծածկույթի վնասված հատվածների քանդում փոսային նորոգման համար 150քմ, Ցսմ հաստությամբ, հատակի բետոնե մակերևույթի և անցքերի վերականգնում B-7.5 դասի

բետոնով, ասֆալտրետոնե ծածկույթի քանդում 10 սմ հաստությամբ, ճանապարհի երկշերտ ծածկույթի վերևի շերտի պատրաստում, բարձված գրունտի տեղափոխում:

- «Շիրակի Մ.Նալբանդյանի անվան պետական համալսարան» հիմնադրամի հետ 14.04.2015թ. կնքված «Կապալային աշխատանքների կատարման» NԳՊՄԻ-ԲԸԱՇՁԲ-2016/1 գնման պայմանագիրը, որի գնման առարկա է հանդիսանում հիմնադրամին պատկանող մշակույթի վարժարանի ննջարանային մասնաշենքի մի մասը վերակառուցելու, ձևափոխելու բնակելի սենյակների և մասնաշենքերի վերանորոգման և ջեռուցման համակարգերի վերափոխման աշխատանքների ձեռքբերումը՝ 42,999,000 ՀՀ դրամ ընդհանուր գնով: Նշված Պայմանագրի ծավալաթերթ-նախահաշվով նախատեսված աշխատանքները ի թիվս այլոց՝ ներառում են հետևյալ առանձին տեսակի աշխատանքները՝ անցքերի լցափակում թեթև բետոնով: Բացի այդ նույն պայմանագրի շրջանակներում կողմերի միջև 10.04.2017թ. կնքված է N2 համաձայնագրի տեխնիկական բնութագրում ևս նախատեսվել է առանձին տեսակի ասֆալտապատման աշխատանք:

Հանձնաժողովը 01.06.2018թ. ժամը 11:00-ին կայացած նիստի թիվ 6 արձանագրության 1.1 կետով արձանագրել է, որ Կոնսորցիումի՝ «ՀՀ ՊՆ ՆՏԱԴ-ԳՀԱՇՁԲ-23/1» ծածկագրով ընթացակարգի հրավերով պահանջվող որակավորման չափանիշներին իր տվյալների համապատասխանությունը հավաստող փաստաթղթերն առկա են և համապատասխանում են ընթացակարգի հրավերով սահմանված պահանջներին:

Նույն արձանագրության 1.2 կետով Հանձնաժողովն որոշել է «Էլիտ Հիլզ» ՍՊԸ-ի որակավորման չափանիշները գնահատել համապատասխան «ՀՀ ՊՆ ՆՏԱԴ-ԳՀԱՇՁԲ-23/1» ծածկագրով ընթացակարգի հրավերով պահանջներին, վերջինիս հայտարարել ընտրված մասնակից և պայմանագիր կնքելու առաջարկ ներկայացնել:

Հանձնաժողովը նույն արձանագրության 1.3 կետով որոշել է հաստատել «ՀՀ ՊՆ ՆՏԱԴ-ԳՀԱՇՁԲ-23/1» ծածկագրով ընթացակարգի արդյունքում պայմանագիր կնքելու որոշման մասին հայտարարության տեքստը և հրապարակել այն՝ «Գնումների մասին» ՀՀ օրենքի 10-րդ հոդվածի համաձայն:

Քաղաքացի Սարմեն Աղաջանյանը Բողոքներ քննող անձին ներկայացրած բողոքով հայտնել էր, որ «Էլիտ Հիլզ» ՍՊԸ-ն (կոնսորցիում «Ինտերեվոս Արգոս» ՍՊԸ-ի հետ) կողմից ներկայացված՝ նախկինում կատարված պայմանագրերը չեն հանդիսանում նմանատիպ «ՀՀ ՊՆ ՆՏԱԴ-ԳՀԱՇՁԲ-23/1» գնանշման հարցման ընթացակարգի իմաստով, ուստի Կոնսորցիումի հայտը Հանձնաժողովի կողմից պետք է մերժվեր՝ հրավերով սահմանված

պահանջներին չհամապատասխանելու հիմնավորմամբ, մինչդեռ այն գնահատվել է բավարար և Կոնսորցիումը ճանաչվել է Ընթացակարգի ընտրված մասնակից:

Պատվիրատուի ներկայացուցիչը հայտնեց, որ Կոնսորցիումի կողմից որպես նախկինում կատարված նմանատիպ պայմանագրեր ներկայացված պայմանագրերի ծավալաթերթ-նախահաշվով նախատեսված աշխատանքներում ներառված են այնպիսի աշխատանքների տեսակներ, որոնք նմանատիպ են հանդիսանում նույն Ընթացակարգի իմաստով, մասնավորապես՝ ասֆալտրետոնե ծածկույթի վնասված հատվածների քանդում փոսային նորոգման համար, հատակի բետոնե մակերևույթի և անցքերի վերականգնում: Հետևաբար, ըստ Պատվիրատուի ներկայացուցչի, ներկայացված պայմանագրերը Հանձնաժողովի կողմից կարող էին դիտարկվել որպես համանման (նմանատիպ) և համապատասխանում են Հրավերով սահմանված պահանջներին:

«Գնումների մասին» ՀՀ օրենքի (այսուհետ՝ նաև Օրենք) 6-րդ հոդվածի 3-րդ մասի համաձայն՝ մասնակիցը պետք է բավարարի հրավերով սահմանված որակավորման չափանիշները: Նույն մասի 2-րդ կետի համաձայն՝ մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող մասնագիտական փորձառություն:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 61-րդ կետի համաձայն՝ մասնակիցների՝ օրենքի 6-րդ հոդվածի 3-րդ մասի 2-րդ կետով նախատեսված՝ «Մասնագիտական փորձառություն» չափանիշը գնահատվում է հետևյալ կարգով՝

1) հրավերով պահանջվում է, որ մասնակիցը հայտով ներկայացնում է հայտարարություն, որ հայտը ներկայացնելու տարվա և դրան նախորդող երեք տարվա ընթացքում պատշաճ ձևով իրականացրել է համանման (նմանատիպ) առնվազն մեկ պայմանագիր: Նախկինում կատարված պայմանագիրը (կամ պայմանագրերը) գնահատվում է (կամ գնահատվում են) նմանատիպ, եթե դրա (դրանց) շրջանակներում մատակարարված ապրանքների, մատուցված ծառայությունների և կատարված աշխատանքների ծավալը (կամ հանրագումարային ծավալը)՝ գումարային արտահայտությամբ, պակաս չէ տվյալ գնման ընթացակարգի շրջանակներում մասնակցի ներկայացրած գնային առաջարկի հիսուն տոկոսից, որից առնվազն մեկ պայմանագրի շրջանակներում մատակարարված ապրանքների, մատուցված ծառայությունների և կատարված աշխատանքների ծավալը գումարային արտահայտությամբ, պակաս չէ տվյալ գնման ընթացակարգի շրջանակներում մասնակցի ներկայացրած գնային առաջարկի քսան տոկոսից.

2) առաջին տեղն զբաղեցրած մասնակիցը, որպես նույն կետի 1-ին ենթակետով սահմանված որակավորման չափանիշը հիմնավորող փաստաթուղթ, ներկայացնում է նախկինում կատարած պայմանագրի (պայմանագրերի) և դրա հաշիվ-ապրանքագրերի պատճենները, իսկ այդ պայմանագրի (պայմանագրերի) պատշաճ կատարումը գնահատելու համար՝ տվյալ պայմանագրի կողմերի հաստատած՝ պայմանագրի սահմանված ժամկետում կատարումը հավաստող ակտի (հանձնման-ընդունման արձանագրություն և այլն) պատճենը կամ տվյալ պայմանագրի կատարումն ընդունած կողմի գրավոր հավաստումը:

Կարգի 65-րդ կետի համաձայն՝ գործարքները համարվում են համանման (նմանատիպ), եթե դրանք դասվում են հրավերով կամ նախատրակավորման հայտարարությամբ նախատեսված՝ համանման համարվող տնտեսական գործունեության նույն խմբերում: Շինարարական ծրագրերի դեպքում տնտեսական գործունեության նույն խմբերը սահմանվում են հաշվի առնելով քաղաքաշինության բնագավառում լիցենզավորման ենթակա գործունեության տեսակը և ներդիրները:

Օրենքի 34-րդ հոդվածի՝

- 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

- 2-րդ մասի 1-ին կետի համաձայն՝ առաջին տեղը զբաղեցրած մասնակիցը որոշվում է՝ բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով:

- 5-րդ մասի 1-ին կետի համաձայն՝ առաջին և հաջորդաբար տեղերը զբաղեցրած մասնակիցներին որոշելուց հետո հրավերով սահմանված ժամկետում՝ առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

- 6-րդ մասի համաձայն՝ հայտը գնահատվում է բավարար, եթե նույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները: Նման դեպքում մասնակիցը հայտարարվում է ընտրված:

Ուսումնասիրելով Կոնսորցիումի կողմից ներկայացված՝ նախկինում կատարված N ԲԸԱՇՁԲ-10/1-2 և NԳՊՄԻ-ԲԸԱՇՁԲ-2016/1 գնման պայմանագրերը, Բողոքներ քննող անձը գտնում է, որ թեև նշված պայմանագրերով նախատեսված են եղել առանձին տեսակի՝

ասֆալտապատման աշխատանքներ, այնուամենայնիվ նշված պայմանագրերը չեն կարող հանդիսանալ համանման (նմանատիպ) գործարքներ, քանի որ Ընթացակարգի իմաստով նմանատիպ են համարվում վազքուղիների հարթեցման, ճանապարհային վերանորոգման և ասֆալտապատման աշխատանքների կատարված լինելը, մինչդեռ ներկայացված պայմանագրերով գնման գործարքներ հանդիսացել են համապատասխանաբար՝ Երևանի 24236 զորամասում ՈւԳԱ գումարտակի զորանոցային մասնաշենքի վերակառուցման և «Շիրակի Մ.Նալբանդյանի անվան պետական համալսարան» հիմնադրամին պատկանող մշակույթի վարժարանի ննջարանային մասնաշենքի մի մասը վերակառուցելու, ձևափոխելու բնակելի սենյակների և մասնաշենքերի վերանորոգման և ջեռուցման համակարգերի վերափոխման աշխատանքների կատարման պայմանագրերը:

Բողոքներ քննող անձը գտնում է նաև, որ Հանձնաժողովը՝ Կոնսորցիումի հայտը բավարար գնահատելով և վերջինիս ընտրված մասնակից ճանաչելով՝ գործել է ոչ իրավաչափ՝ խախտելով Օրենքի 34-րդ հոդվածի 1-ին մասով, 6-րդ մասով, Կարգի 61-րդ, 63-րդ կետերով, ինչպես նաև Հրավերի 2.5 կետով սահմանված պահանջները:

Օրենքի 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման ուժի մեջ մտնելու օրը:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «բ» ենթակետով՝ բողոքներ քննող անձը

Ո Ր Ո Շ Ե Ց

1.Քաղաքացի Սարմեն Աղաջանյանի կողմից ՀՀ գնումների հետ կապված բողոքներ քննող անձին 06.06.2018թ. ներկայացրած բողոքը բավարարել մասնակի:

2.Պարտավորեցնել Ընթացակարգի գնահատող հանձնաժողովին ընդունել՝ ՀՀ պաշտպանության նախարարության կարիքների համար թոփաբավայրէջքային ուղու նորոգման աշխատանքների ձեռքբերման «ՀՀ ՊՆ ՆՏԱԴ-ԳՀԱՇՁԲ-23/1» ծածկագրով գնանշման հարցման ընթացակարգի հանձնաժողովի 01.06.2018թ. ժամը 11:00 տեղի ունեցած նիստի N 6 արձանագրությամբ կայացված՝ «Էլիտ Հիլզ» ՍՊԸ-ի (կոնսորցիում

«Ինտերեվրոս Արգոս» ՍՊԸ-ի հետ) հետ պայմանագիր կնքելու մասին որոշումը դադարեցնելու մասին համապատասխան որոշում:

«Վ գնումների հետ կապված բողոքներ քննող անձի որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

«Վ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրվանից:

«Վ գնումների բողոքարկման

խորհրդի անդամ՝



ԷՄԻԼ ՍԱՐԳՍՅԱՆ